

e-Buletin JSKM

EDISI
APRIL
2026

INFORMASI • INSPIRASI • IMPIAN



Menyemai Harapan,

MENYANTUNI PEJUANG KECIL

Menghubungkan ilmu, empati dan tanggungjawab sosial dalam menyantuni kanak-kanak pesakit kanser.

“ Saya percaya bahawa ilmu akan lebih bermakna apabila ia mampu menyentuh kehidupan dan membawa harapan kepada mereka yang memerlukan. ”

- Siti Asmah Mohamed -

MAJLIS
APRESIASI JSKM
2026

Laporan

RAFAH YANG
DIRATAH TIDAK
PERNAH PUNAH

Puisi


MENELUSURI
PASIR DAN
KABUS BROMO

Perkongsian

eISSN 2637-0077



9 772637 007004

A hand with a white glove points towards a robotic hand with glowing red lights. The background is dark blue with a purple gradient.

PUISI

YANG TIDAK DILIHAT

Nukilan: Zuraira Libasin & Noor Azizah Mazeni

Bukan semua luka kelihatan.
Ada yang tersembunyi di balik senyuman,
di sebalik langkah perlahan menuju wad.

Ramai menyangka perubahan luaran itulah yang paling berat.
Namun yang lebih mencabar
ialah saat seseorang merasa tubuhnya
bukan lagi seperti dulu,
tenaga berkurang,
wajah berubah,
hari-hari menjadi asing.

Rawatan sering disangka ringkas.
Datang, terima ubat, selesai.
Hakikatnya, ia sebuah kitaran panjang
yang menguji fizikal,
menggoncang emosi,
dan menuntut kekuatan dalaman.

Ada waktu mual berpanjangan,
sendi dan tulang terasa sengal,
deria menjadi sensitif,
dan rehat tidak lagi benar-benar melegakan.
Namun setiap kali jarum disiapkan,
tangan tetap dihulurkan,
bukan kerana tidak takut,
tetapi kerana memilih untuk terus berharap.

Perjuangan ini jarang bersuara.
Ia tidak meminta simpati,
tidak menagih perhatian.
Ia hadir dalam diam, namun penuh ketabahan.

Rawatan bukan sekadar intervensi perubatan.
Ia ruang pertemuan antara usaha manusia
dan ketentuan Ilahi.

Dalam disiplin sains,
kita berbicara tentang sel, terapi dan statistik.
Dalam ruang hati,
kita berbicara tentang sabar, reda dan doa.

Bagi yang beriman,
tiada satu pun kesakitan yang sia-sia.
Setiap detik diuji, setiap langkah ke hospital,
setiap malam yang panjang,
semuanya berada dalam pengetahuan Tuhan.

Di antara data dan doa,
antara rawatan dan tawakal, ada keyakinan yang tenang,
bahawa kesembuhan itu bukan sekadar bebas penyakit,
tetapi ketenangan jiwa dan ganjaran yang dijanjikan.

Dan selagi masih ada nafas,
harapan tetap hidup.



UNIVERSITI
TEKNOLOGI
MARA

Cawangan Pulau Pinang
Kampus Permatang Pauh

Unit Penerbitan e-Buletin
Jabatan Sains Komputer dan Matematik
UiTM Cawangan Pulau Pinang
13500 Permatang Pauh
Pulau Pinang

eISSN 2637-0077



9 772637 007004